

Augsburg, 3. Dezember 1578

An Joachim Camerarius d. J.

UB Erlangen, Briefslg. Trew, Wolf, Hieronymus, Nr. 6.

S. Distractis Latini Suidae exemplis, fore arbitror, ut interpretatio mea recudatur. Cum autem posteriores editiones accessione aut nouitate aliqua commendari soleant: cùm ipse ex Harpocratone et Stephano atque alijs nonnulla adieci: tum annotationes patris tui haud dubiè doctissimas, non paruo meis laboribus ornamento futuras existimo. Peto igitur maiorem in modum abs te, ut paternum codicem, in vase mercatoris alicuius, tibi noti, inclusum, per occasionem ad me mittas. Quicquid inde exscripsero, perenti tuo, ut aequum est, acceptum referam: et librum sartum tectum quamprimum tibi, cum debita gratiarum actione, remittam. Etsi autem spero, te non inuitum precibus meis locum relicturum: cum praesertim, id quod peto, et ad publicam utilitatem, et ad vestram gloriam pertineat: tamen si quid fortè obstituerit, cur hoc non faciendum putetis: de eo ut me certiore facias, rogo. Vale et fratri Philippo ex me salutem. Augustae Vindelicorum 3 nonas Decembris Anno 1578.

Hiero[nymus] Wolfius
Tuus.